

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-02-085/22**
Mostar, 21.04.2022. godine

IZVOD IZ ZAPISNIKA
sa osamnaeste (XVIII) redovne sjednice Skupštine
Hercegovačko-neretvanskog kantona

Sjednica je održana dana 21.04.2022. godine u sali Centra za kulturu u Mostaru sa početkom rada u 13:00 sati

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Slavko Bilić, Marija Bošković, Stana Burić, Damir Džeba, Elvedin Grcić, Dejan Kvesić, Julineta Jurić, Tomislav Martinović, Ivan Odak, Andrea Pehar, Milica Pehar, Amir Šelo, Šerif Špago, Minela Krpo, Aner Žuljević, Iva Raguž, Vesna Saradžić, Đuro Prkačin, Slaven Raguž, Irma Memidžan, Vera Konjevod, Alisa Hajdarović i Mejrima Hasić.

Odsutni: Ismet Lulić, Ajdin Teletović, Zora Dujmović, Selma Sefić, Edis Džino i Nermin Vrtić.

Konstatovano je da je na sjednici prisutno **24** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Prema zahtjevu Vlade HNK tačka 7. Izvještaj o izvršenju Budžeta HNK-a za 2021. godinu i tačka 8. Izvještaj o izvršenju tekuće rezerve Budžeta HNK-a za 2021. godinu se povlače s dnevnog reda kao i tačka Prijedlog Zakona o elektroenergetskoj inspekciji, zbog određenih tehničkih nedostataka.

U ime Kolegija Skupštine HNK Šerif Špago predložio je dopunu dnevnog reda sa sljedećim tačkama: Prijedlog Zakona o Zakona o cestovnom prijevozu na području HNK-a da bude tačka 3., da tačka 4. bude Odluka izmjenama i dopunama o izmjeni Odluke o kreditnom zaduženju HNK-a, kao tačku 7. Kolegij predlaže Odluku o osnivanju Komisije za EU integracije Skupštine HNK-a, tačka 8. Odluka o osnivanju Komisije za pitanja boraca Skupštine HNK-a.

Otvorena je rasprava po prijedlogu izmjena i dopuna dnevnog reda.

U raspravi su učestvovali: Elvedin Grcić, Stana Burić i Ivan Odak.

Ispred Kluba Bošnjaka zastupnik Elvedin Grcić predložio je dopunu dnevnog reda zaključkom, a vezano je za državne službenike koji su do sada ispunili i stekli uslove za prestanak radnog odnosa te da se istim obaveže i pokrene procedura njihovog penzionisanja te popune ovih radnih mjesta.

Zastupnica Stana Burić predložila je zaključak „da za sve gubitke, štete koje su nastale neradom državnih službenika, da isti snose svojom imovinom“.

Uslijedila je **pausa** od 5 minuta kako bi se članovi Kolegija Skupštine HNK usuglasili sa predlagračima zaključaka vezano za dopunu dnevnog reda.

Nakon konsultacija sa predlagračima zaključaka i njihovog pristanka predloženo je da sve eventualne zaključke vezano za obaveze i zaduženja Vlade i drugih institucija kantona, ministarstava, uprava i ostalo, da ti zaključci se predlože u okviru tačke Program rada Vlade HNK-a za 2022.

Obavljeno je glasanje da se o Prijedlogu Zakona o izmjenama i dopunama Zakona o cestovnom prijevozu na području HNK-a raspravlja po skraćenoj proceduri.

Nakon glasanja jednoglasno je odobreno da se o Prijedlogu Zakona o izmjenama i dopunama Zakona o cestovnom prijevozu na području HNK-a raspravlja po skraćenoj proceduri.

Obavljeno je glasanje po prijedlogu dnevnog reda.

Nakon glasanja konstatovano je da je jednoglasno usvojen dnevni red osamnaeste (XVIII) redovne sjednice Skupštine HNK.

Usvojeni Dnevni red:

1. **Poslanička pitanja;**
2. **Prijedlog Zakona o termoeenergetskoj inspekciji;**
3. **Prijedlog Zakona o izmjenama i dopunama Zakona o cestovnom prijevozu na području HNK-a (utvrđen po skraćenom postupku);**
4. **Prijedlog Odluke o izmjeni Odluke o kreditnom zaduženju HNK-a;**
5. **Izvještaj o radu Vlade HNK-a u 2021. godini;**
6. **Prijedlog Programa rada Vlade HNK-a za 2022. godinu;**
7. **Prijedlog Odluke o osnivanju Komisije za EU integracije Skupštine HNK-a;**
8. **Prijedlog Odluke o osnivanju Komisije za pitanja boraca Skupštine HNK-a;**
9. **Izvještaj o radu Kantonalnog javnog pravobranilaštva HNK-a za 2021. godinu;**
10. **Izvještaj o radu Tužilaštva HNK-a za 2021. godinu;**
11. **Izvještaj o radu Kantonalnog suda u Mostaru za 2021. godinu;**
12. **Odluka o usvajanju Nacrta urbanističkog projekta turističke zone Karaotok u sklopu područja posebnih obilježja za područje od značaja za HNK-a Park prirode Hutovo blato.**

Jednoglasno je usvojen i zapisnik sa 17. redovne sjednice Skupštine HNK.

AD 1. Poslanička pitanja

SLAVEN RAGUŽ:

Poštovani predsjedavajući Skupštine, poštovani zastupnici, poštovani članovi Vlade. Dakle, prije same inicijative ja bih samo jednu sugestiju tajništvu i svima nama po mogućnosti. Mi svi materijale dobivamo u elektroničkoj formi, mislim da bi nam i jeftinije, a i jednostavnije tajništvu bilo kad bi svi mi sami sebi printali, ja ne vidim razloga da ljudi moraju se opterećivat printanjem materijala istih, a svi smo dobili na e-mail, svi imamo mogućnost to vidjeti i u elektroničkoj formi i svi možemo isprintati ono što nas zanima, ili u svom uredu ili doma, ja ne vidim razloga da mi svaku sjednicu skupštine nosamo po tonu papira, em trošak, em glomazno, em mislim da je nepotrebno, em ljudima stvaramo ogromno opterećenje. Ovo je mala digresija, nisam mislio ovo, ali nek uđe u stenogram.

Dakle, ono što sam planirao, dakle zastupnička inicijativa, zahtjev za preispitivanje i raskid ugovora o koncesiji za eksploataciju mineralne sirovine dolomita i krečnjaka na lokalitetu „Zukulja. Vlada HNŽ-a i gospodarsko društvo „Majdan-Kuti“ su 2015. godine sklopili ugovor o koncesiji za eksploataciju mineralne sirovine dolomita i krečnjaka na lokalitetu „Zukulja grad Mostar i čime su preuzete obveze iz ugovora, ugovor potpisan 2015., a radovi su počeli 2021. godine na iznenađenje svih žitelja tog naselja. Olni su u više navrata slali dopise nadležnim institucijama, koje sam ja priložio uz ovu inicijativu, i nitko se na te dopise nije usudio odgovoriti. Druga stvar koju sam saznao jutros, a to je, da sam dobio službenu informaciju iz BHMAC-a odgovornih za deminiranje područja, koji su dali danas službenu notu da područje koje je registrirano za eksploataciju dolomita i krečnjaka nije u potpunosti deminirano, da dopuštenje koje je dobio koncesionar se odnosi na samo mali dio toga područja koji je dobio dozvolu kao bezrizično područje, da veći dio tog područja je u biti miniran. Stoga tražim da se preispita ugovor o koncesiji i da se vidi mogućnost raskida istog, ponavljam uz tekst inicijative priložio sam i dopise koje je udruženje građana Kuti slalo Vladi, a na koje nisu dobili odgovor. Zahvaljujem.

JULINETA JURIĆ:

Poštovane kolegice i kolege, sve vas zajedno pozdravljam. Nadovezala bih se na kolegu Raguža koji je rekao da bi bilo dobro da ne dobivamo printane materijale, nego samo u elektronskoj verziji, prije svega trebalo bi prvo znači da nam Skupština osigura laptope za rad, a samim time bi bila i velika ušteda novca i vremena znači djelatnicima Skupštine.

Imam zastupničko pitanje za Ministarstvo prosvjete, znanosti, kulture i športa HNŽ-a i Ministarstvo financija HNŽ-a, što su poduzeli ministarstvo financija i ministarstvo obrazovanja vezano za rješenja Porezne uprave kojim su propisali prinudnu naplatu školama za doprinose i porez na dohodak, primjer Srednje medicinske škole Sestara milosrdnica Mostar kojoj su donijeli rješenje o prinudnoj naplati dugovanja od 200.000 KM?

Drugo zastupničko pitanje upućujem Ministarstvu zdravstva, rada i socijalne skrbi HNŽ-a, kad će pacijentice iz Mostara i županije u našim bolnicama i domovima zdravlja moći obaviti redovite ultrazvuk preglede dojki? Sveučilišni klinički bolnički centar Mostar prima samo onkološke bolesnice, na odjelu radiologije Doma zdravlja Mostar uopće ne rade ultrazvuk preglede dojke pacijenticama, a koliko sam dobila informaciju u Kantonalnoj bolnici „dr. Safet Mujić“ Mostar vrijeme čekanja na pregled dojke je u prosjeku godinu dana. Statistički podaci posljednjih godina pokazuju kako značajno raste broj oboljelih žena od karcinoma dojke, a sve je više mlađih žena među oboljelima nažalost. Ukoliko se ova bolest ne otkrije na vrijeme ishodi su najčešće kobni. Većina žena danas ne može priuštiti preglede kod privatnog liječnika. Stoga u ime svih žena naše županije postavljam upit, kad će nam biti omogućeno ako mjesečno za zdravstveno osiguranje izdvajamo značajan iznos u državnoj bolnici obaviti redoviti pregled? Bolest ne može čekati.

Inicijativa, inicijativu upućujem Ministarstvu prosvjete, znanosti, kulture i športa HNŽ-a, inicijativa izgradnja športske dvorane za Gimnaziju fra Grge Martića Mostar. Nisam sigurna da se ste svi upoznati sa informacijom kako zgrada Gimnazije fra Grge Martića u Mostaru nikada nije imala športsku dvoranu. Škola koja se nalazi u srcu grada, a vodeća u županiji po broju upisanih učenika, uz sve to redovito nagrađivana iz športskih natjecanja i aktivnosti na svim razinama, izdvojila bih kao primjer škole podjednako okrunjene uspjesima učenika na brojnim natjecanjima kako iz prirodnih i društvenih znanosti, tako iz športa. Stoga gospodo zastupnici vjerujem kako dijelite moje mišljenje da nema nikakvog opravdanja što ova škola do danas nema adekvatnu športsku dvoranu primjernu potrebama učenika koji ju pohađaju. Moj prijedlog je da se žurno pristupi izradi projektne dokumentacije kako bi se u što skorije vrijeme krenulo u projekt izgradnje športske dvorane za Gimnaziju fra Grge Martića Mostar. Hvala.

ALISA HAJDAROVIĆ:

Zahvaljujem predsjedavajući. I pozdravljam sve kolegice i kolege i prisutne goste. I upućujem pitanje Ministarstvu unutrašnjih poslova HNK-a, da mi dostavi kompletu informaciju o broju uposlenih u MUP-u HNK-a, sa podacima o obrazovnoj, polnoj i nacionalnoj strukturi. Također tražim da mi se dostavi informacija o polnoj i nacionalnoj strukturi rukovodećeg kadra i to načelnici PU, načelnik Sektora policije i ostala rukovodeća radna mjesta. Hvala.

VESNA SARADŽIĆ:

Zahvaljujem predsjedavajući. I pozdravljam sve prisutne. Ja imam jednu inicijativu i jedno poslaničko pitanje. Inicijativu upućujem prema Vladi HNK-a, za izmjene i dopune Zakona o Službenim novinama HNK-a, te tražim da Skupština HNK-a u skladu sa procedurom koju propisuju članovi 104 i 105 Poslovnika Skupštine donese zaključak kojim bi odredili načine pripreme i nosioce izrade izmjena i dopuna Zakona o Službenim novinama HNK-a. Obrazloženje. Članom 6, poglavlje 1, koji se odnosi na uspostavljanje Federacije i Ustava Federacije Bosne i Hercegovine propisano je da su službeni jezici Federacije bosanski, hrvatski i srpski, a službena pisma latinica i ćirilica i shodno tome neophodno je uskladiti članove 3, 4 i 10 Zakona o Službenim novinama HNK-a sa navedenim članom Ustava Federacije Bosne i Hercegovine.

Poslaničko pitanje upućujem Zavodu za zapošljavanje HNK-a, na osnovu jednog konkretnog slučaja, mlada osoba po završetku studija 2016. godine se prijavljuje na Zavod za zapošljavanje u mjestu stanovanja, od tada punih 6 godina ne može doći na red kao pripravnik koji će svoj pripravnički staž odraditi na području opštine u kojoj živi kako bi bio konkurentan na tržištu rada. Sve ove navedene godine postojala je i nada, međutim prilikom zadnjeg javnog poziva Federalnog zavoda za zapošljavanje na koji je aplicirala opština za sufinansiranje pripravničkog staža, rečeno mu je da sa njim ne mogu potpisati ugovor jer je u 11. mjesecu prošle godine napunio 30 godina života. Postavljam pitanje, koja je uloga zavoda za zapošljavanje i dali postoje kriteriji vezano za odabir kandidata i kako je moguće da je jedna ovakva mlada, obrazovana osoba sa znanjem više svjetskih jezika dovedena u ovu ponižavajuću situaciju i u konačnici dobije ovako nesuvislo obrazloženje? Uz napomenu naravno, da je ova mlada osoba konkurisala i na kantonalni javni poziv redovno svih ovih navedenih godina. Zahvaljujem.

AMIR ŠELO:

Pozdravljam sve uvažene kolege. Evo i ja isto podržavam ovo da svakako trebamo dostavljati materijale, ali ja mislim da mi imamo tamo i obaveze poslovničke iz člana 50 i člana 83 da ipak skupštinske službe nama moraju uz poziv dostavljati materijale, tako da onaj to možda ostavi svakom zastupniku da posebno traži od skupštinskih službi da mu se ti materijali ne dostavljaju.

Ja pokrećem jednu inicijativu prema Štabu Civilne zaštite, odnosno Upravi za civilnu zaštitu i vatrogastvo, da se Penjački klub Blagaj Climbing proglasi udruženjem od značaja za Štab Civilne zaštite HNK-a. Radi se o jednom jedinstvenom projektu na području Grada Mostara koji funkcionira u Blagaju i ti momci koji sada stvarno vode ovaj klub su osposobljeni za obavljanje svih mogućih terenskih zadataka na najpristupačnijim mjestima onaj što se tiče svih brdsko-planinskih uslova, posjeduju opremu, posjeduju iskustvo, posjeduju ogromna značajna materijalno-tehnička sredstva za obavljanje poslova zaštite i spašavanja. Znači nude se faktički volonterski Štabu Civilne zaštite da te poslove rade legalno i da pomažu ovim postojećim GSS-ovima i ICS-ovima koji zaista funkcioniraju u tom sistemu. Hvala puno.

ŠERIF ŠPAGO:

Nemamo više prijavljenih. Mi smo u prethodnom mandatu bili pokrenuli jednu inicijativu, da svi zastupnici se izjasne na koji način da dobivaju materijale, pa smo ostavili mogućnost putem printanih materijala ili putem elektronske pošte, odnosno e-mailom, većina se izjasnila i za jedno i za drugo, a Poslovnik nas obavezuje da dostavljamo i ja evo sugerišem, svi oni koji smatraju da je nepotrebno da im dostavljamo pisane materijale da putem e-maila ili na protokol Skupštine dostave zahtjev stručnoj službi i neće se njima kopirati znači materijali ako oni se odluče da im ne treba se dostavljati u pisanom obliku. Vi pratite vjerovatno u drugim kantonima da određeni propisi padaju zato što između ostalog zbog nepoštivanja poslovnika nisu dostavljani materijali u pisanom obliku, evo ovih dana je čini mi se u kantonu Sarajevo jedan od problema u radu skupštine bio i taj, pa da ne bi i mi nekad u budućnosti dolazili u tu situaciju znači evo postoji mogućnost da svi oni koji neće da nose ove hrpe papira da se putem e-maila ili na protokol Skupštine izjasne da im se to ne treba dostavljati u printanom obliku.

AD 2. Prijedlog Zakona o termoenergetskoj inspekciji

Obrazloženje je dao Željko Laketić, ministar privrede u Vladi HNK.

Ispred Komisije za istovjetnost tekstova na jezicima konstitutivnih naroda i informisanje obrazloženje je dala zastupnica Marija Bošković, te je kao član Komisije predložila da se član 21. uskladi sa normom hrvatskog jezika na sljedeći način:

Član 21., radi se o pravima i dužnostima inspektora,

a) „ima li termoenergetsko postrojenje, uređaj i posuda pod tlakom koje je proizvedeno, izgrađeno ili ugrađeno, propisane isprave izdane od mjerodavnih tijela, odobrenu tehničku dokumentaciju, odnosno jeli izgrađeno u skladu sa zakonima, propisima, uputama i praksom iz ove oblasti“,

b) mijenja se samo ovo „dali“ u „jeli“,

c) „vrše li vlasnici i korisnici termoenergetskih postrojenja, uređaja i posuda pod tlakom i instalacija preglede i ispitivanje u za to zakonom propisanom roku“,

d) „imaju li osobe koje se bave projektiranjem, izgradnjom, rukovanjem, održavanjem i ispitivanjem termoenergetskih postrojenja odobrenje za rad, propisanu stručnu spremu, osposobljenost, položen stručni ispit i potrebne certifikate“,

e) „vode li se uredno propisane knjige o radu termoenergetskog postrojena i ovjeravaju li se redovno od strane odgovornog radnika“,

f) „isporučuju li distributeri i dobavljači energente samo u spremnicima, odnosno u spremnike, koji imaju odobrenje za upotrebu izdanu prema posebnim propisima i jeli ispravan i pregledan u rokovima u skladu sa propisima za posude pod tlakom, o čemu korisnik mora posjedovati dokumentaciju“,

g) „koriste li se postrojenja, energija i energenti za pogon postrojenja po važećim standardima i propisima“

h) „posjeduju li pravna, fizička lica (obrti) koja se bave djelatnošću za koje je potrebno posjedovati ugovor o koncesiji, ugovor o koncesiji za tu djelatnost“.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu Zakona o termoenergetskoj inspekciji.

Nakon glasanja konstatovano je da je Prijedlog Zakona o termoenergetskoj inspekciji jednoglasno usvojen.

AD 3. Prijedlog Zakona o izmjenama i dopunama Zakona o cestovnom prijevozu na području HNK-a (utvrđen po skraćenom postupku)

Obrazloženje je dao Stjepan Krasić, ministar prometa i veza u Vladi HNK-a.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu Zakona o izmjenama i dopunama Zakona o cestovnom prijevozu na području HNK-a (utvrđen po skraćenom postupku).

Nakon glasanja konstatovano je da je Prijedlog Zakona o izmjenama i dopunama Zakona o cestovnom prijevozu na području HNK-a (utvrđen po skraćenom postupku) jednoglasno usvojen.

AD 4. Prijedlog Odluke o izmjeni Odluke o kreditnom zaduženju HNK-a

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu Odluke o izmjeni Odluke o kreditnom zaduženju HNK-a.

Nakon glasanja konstatovano je da je Prijedlog Odluke o izmjeni Odluke o kreditnom zaduženju HNK-a jednoglasno usvojen.

AD 5. Izvještaj o radu Vlade HNK-a u 2021. godini

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi su učestvovali: Elvedin Grcić, Ivan Odak, Amir Šelo, Slavko Bilić, Aner Žuljević, premijer Nevenko Herceg, Tomislav Martinović i ministar Adnan Faladžić.

Obavljeno je glasanje o Izvještaju o radu Vlade HNK za 2021. godinu.

Većinom glasova „Za“, i 4 glasa „Protiv“, usvojen je Izvještaj o radu Vlade HNK za 2021. godinu.

AD 6. Prijedlog Programa rada Vlade HNK-a za 2022. godinu

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi su učestvovali: Vesna Saradžić, Julineta Jurić, Tomislav Martinović, Stana Burić, Damir Džeba, Elvedin Grcić, Ivan Odak, ministar Goran Opsenica, Šerif Špago i ministar Suad Balić.

Zastupnica **Stana Burić** predložila je slijedeće prijedloge zaključaka:

1. „Zadužuje se Vlada HNK-a za ubrzanu protočnost dokumentacije, odnosno da svi ministri u Vladi prilagode svoje pravilnike u interesu investitora, a sve u skladu s odgovarajućim zakonima“.
2. „Sve nastale štete u HNK-a prouzročene radom državnih službenika u HNK-a trebaju izmiriti odgovorni službenici, znači službenici koji su prouzročili štetu“.

Zastupnik **Elvedin Grcić** predložio je slijedeći prijedlog zaključaka:

1), zadužuje se Vlada HNK-a, kantonalni organi uprave (ministarstva, uprave, kantonalne upravne organizacije, zavodi, direkcije, kantonalne agencije, da u skladu sa članom 18, stav 1, tačka a, i članom 51, stav 2, tačka b, Zakona o državnoj službi F BiH, te članom 1 Uredbe o primjeni Zakona o državnoj službi F BiH u HNK-u za državne službenike koji su stekli uslove za prestanak radnog odnosa pokrenu procedure penzionisanja te popune tih mjesta, a koji su u skladu sa članom 40 Zakona o penzijsko-invalidskom osiguranju F BiH ispunili 65 godina života, odnosno navršeni 40 godina penzijskog staža stekli uslove za penzionisanje.

2), zadužuju se vanbudžetski fondovi kojima je osnivač HNK-a da za zaposlenike koji su u skladu sa članom 40 Zakona o penzijsko-invalidskom osiguranju F BiH također ispunili 65 godina života i stekli uslove za starosnu penziju, odnosno ovaj uslov navršenja 40 godina staža, da se pokrene procedura penzionisanja i popune tih mjesta

3), zaključak stupa na snagu danom donošenja i objavit će se u Službenim novinama HNK.

Zastupnik **Ivan Odak** predložio je slijedeći prijedlog zaključka:

„Tražim od Vlade HNŽ-A da ispoštuje zaključak Skupštine od 09.03.2015. godine kojim se treba riješiti radno-pravni status navedenih policijskih službenika: Ranko Ivana Anić, 11. lipnja b.b. Rodoč, Atif Bajrović, 20. ulica b.b. Mostar, Kemal Đono, Pješevac b.b. Stolac. Prilog, kopija odluke Skupštine HNK-a od 09.03.2015. i kopija zahtjeva trojice policijskih službenika Skupštini HNK-a od 16.12.2021“.

Usljedila je **pauza** od 15 minuta.

Obavljeno je glasanje o Prijedlogu Programa rada Vlade HNK-a za 2022. godinu.

Većinom glasova „Za“, uz 2 glasa „Protiv“ i 1 „Suzdržan“ glas. usvojen je Prijedlog Programa rada Vlade HNK-a za 2022. godinu.

Nakon konsultacija Kolegija predlagača zaključaka, predsjedavajući Skupštine Šerif Špago pročitao je zaključke:

Zaključak 1: Zadužuje se Vlada HNK-a da sačini analizu svih podzakonskih akata kojim se rješava u pravima pravnih i fizičkih osoba koji su investitori s ciljem smanjenja potrebne dokumentacije i rokova za realizaciju investicije.

Zaključak 2: Zadužuje se Vlada HNK-a, kantonalni organi uprave (ministarstva, uprave, kantonalne upravne organizacije, zavodi i agencije) i kantonalne institucije koje se finansiraju iz vanbudžetskih fondova da pokrenu proceduru penzionisanja svih uposlenika koji ispunjavaju uslove za penzionisanje po važećim propisima.

Zaključak 3: Zadužuje se Vlada HNK-a i MUP da iznađu pravne mogućnosti penzionisanja policijskih službenika kojima je prestao rad a nisu ostvarili pravo na penziju (Ranko Anić, Atif Bajrović, Kemal Đono i drugi).

Zaključak 4: Zadužuje se Vlada HNK-a da se u Program rada Vlade HNK za 2022. uvrsti i donošenje zakona o državnoj službi HNK.

Zaključak 5: Zadužuje se Vlada HNK-a da u okviru Programa rada Vlade HNK-a za 2022. godinu pokrene i realizuje inicijativu o proglašenju Mostara kao studentskog i sveučilišnog, odnosno univerzitetskog grada.

Obavljeno je glasanje o navedenim zaključcima.

Nakon glasanja konstatovano je da su prijedlozi zaključaka jednoglasno usvojeni.

AD 7. Prijedlog Odluke o osnivanju Komisije za EU integracije Skupštine HNK-a

Obrazloženje je dao Šerif Špago, predsjedavajući Skupštine HNK.

Otvorena je rasprava.

U raspravi nije nitko učestvovao.

Obavljeno glasanje o Prijedlogu Odluke o osnivanju Komisije za EU integracije Skupštine HNK-a.

Nakon glasanja konstatovano je da je Prijedlog Odluke o osnivanju Komisije za EU integracije Skupštine HNK-a jednoglasno usvojen.

AD 8. Prijedlog Odluke o osnivanju Komisije za pitanja boraca Skupštine HNK-a

Obrazloženje je dao Šerif Špago, predsjedavajući Skupštine HNK.

Otvorena je rasprava.

U raspravi nije nitko učestvovao.

Obavljeno glasanje o Prijedlogu Odluke o osnivanju Komisije za pitanja boraca Skupštine HNK-a.

Nakon glasanja konstatovano je da je Prijedlog Odluke o osnivanju Komisije za pitanja boraca Skupštine HNK-a jednoglasno usvojen.

AD 9. Izvještaj o radu Kantonalnog javnog pravobranilaštva HNK-a za 2021. godinu

Obrazloženje je dao Vlado Bevanda, kantonalni javni pravobranilac.

Otvorena je rasprava.

U raspravi su učestvovali: Ivan Odak, Aner Žuljević i Vlado Bevanda.

Obavljeno je glasanje o Izvještaju o radu Kantonalnog javnog pravobranilaštva HNK-a za 2021. godinu.

Nakon glasanja konstatovano je da je Izvještaj o radu Kantonalnog javnog pravobranilaštva HNK-a za 2021. godinu jednoglasno usvojen.

AD 10. Izvještaj o radu Tužilaštva HNK-a za 2021. godinu

Obrazloženje je dala Sabina Beganović, zamjenik kantonalnog tužioca.

Otvorena je rasprava.

U raspravi su učestvovali: Alisa Hajdarović, Ivan Odak i Aner Žuljević

Nakon rasprave konstatovano je da je Skupština HNK primila k znanju Izvještaj o radu Tužilaštva HNK-a za 2021. godinu.

AD 11. Izvještaj o radu Kantonalnog suda u Mostaru za 2021. godinu

Obrazloženje je dao Zoran Kratlić, predsjednik Kantonalnog suda u Mostaru.

Otvorena je rasprava.

U raspravi su učestvovali: Aner Žuljević, Zoran Krtalić, ministar Slađan Bevanda i Amir Šelo.

Nakon rasprave konstatovano je da je Skupština HNK primila k znanju Izvještaj o radu Kantonalnog suda u Mostaru za 2021. godinu.

AD 12. Nacrt urbanističkog projekta turističke zone Karaotok u sklopu područja posebnih obilježja za područje od značaja za HNK-a Park prirode Hutovo blato

Obrazloženje su dali gosp. Vego ispred ministarstva prostornog građenja i prostornog uređenja HNK i gđa. Durovac, ispred projektnog tima za urbanistički projekt Karaotok.

Otvorena je rasprava.

U raspravi su učestvovali: Ivan Odak i gđa. Durovac, ispred projektnog tima za urbanistički projekt Karaotok.

Obavljeno je glasanje o Zaključku o prihvatanju Nacrta urbanističkog projekta turističke zone Karaotok u sklopu područja posebnih obilježja za područje od značaja za HNK-a Park prirode Hutovo blato.

Nakon glasanja konstatovano je da je Zaključak o prihvatanju Nacrta urbanističkog projekta turističke zone Karaotok u sklopu područja posebnih obilježja za područje od značaja za HNK-a Park prirode Hutovo blato jednoglasno usvojen.

Sjednica je završena u 18:30 sati.

Zapisničar
Dario Topić

Predsjedavajući
Šerif Špago